



BANKA POPULLORE E REPUBLIKËS SË MAQEDONISË SË VERIUT

Në pajtim me nenin 47, paragrafi (1), pika 6), dhe në pajtim me nenin 20, paragrafi (2) të Ligjit të Bankës Popullore të Republikës së Maqedonisë së Veriut ("Gazeta Zyrtare e Republikës së Maqedonisë" nr. 158/10, 123/12, 43/14, 153/15, 6/16 dhe 83/18 dhe "Gazeta Zyrtare e Republikës së Maqedonisë së Veriut" nr.110/ 21), Këshilli i Bankës Popullore të Republikës së Maqedonisë së Veriut, miratoi

VENDIM për rezervën e detyruar

I. DISPOZITA TË PËRGJITHSHME

1. Me këtë vendim, Banka Popullore e Republikës së Maqedonisë së Veriut (në tekstin e mëtejshëm: Banka Popullore) e rregullon llogaritjen dhe mbajtjen e rezervës së detyruar të bankave dhe filialeve të bankave të huaja (në tekstin e mëtejshëm: Bankat) dhe kursimoreve të cilat kanë leje të themelimit dhe operimit të lëshuar nga Banka Popullore.

II. BAZË PËR LLOGARITJEN E REZERVËS SË DETYRUAR

2. Bazën e llogaritjes së rezervës së detyruar (në tekstin e mëtejshëm: Bazë e rezervës së detyruar) e përbëjnë detyrimet e bankave në valutë vendase, në valutë vendase me klauzolë valutore dhe në valutë të huaj (shtojca nr. 1 dhe shtojca nr. 2, të cilat janë pjesë përbërëse e këtij vendimi) dhe detyrimet e kursimoreve në valutë vendase dhe në valutë vendase me klauzolë valutore (shtojca nr. 1), dhe atë:

- depozitat e miratuara dhe kreditë e miratuara;
- letrat me vlerë të borxhit të emetuara;
- detyrimet tjera.

Në bazën e rezervës së detyruar nuk përfshihen:

- detyrimet ndaj bankave të tjera dhe kursimoreve;
- detyrimet ndaj Bankës Popullore;
- detyrimet në bazë të instrumenteve subordinare dhe hibride të cilat, në pajtim me

Metodologjinë e vërtetimit të përshtatshmërisë së kapitalit të përcaktuar nga Banka Popullore, janë pjesë nga kapitali shtesë i bankës, ose kursimores.

3. Baza e rezervës së detyruar nga detyrimet e bankave në valutë vendase nga pika 2), paragrafi (1) i këtij vendimi zvogëlohet nga vlera e shumës së kërkesës ndaj bazës së kredive të reja të personave juridik të dedikuara për financim të projekteve të ndërtimit të objekteve të reja ose rritjen e fuqisë së instaluar të objekteve ekzistuese për prodhimtari vendase të energjisë elektrike nga burimet e ripërtëritshme.

Me kredi të personave juridik, në kuptim të pikës 3) paragrafit (1) të këtij vendimi, nënkuptohen kreditë e miratuara të personave juridik, të cilët ditën e fundit të muajit kalendarik për të cilin raportohet, te banka janë të klasifikuar në kategorinë e rrezikut "A" ose "B", në pajtim me Vendimin e metodologjisë së udhëheqjes me rrezikun kreditor.

Me kredi të reja të personave juridik, në kuptim të pikës 3) paragrafit (1) të këtij vendimi, nënkuptohen kreditë e miratuara dhe të paguara pas 1 tetorit të vitit 2022 deri më 31 dhjetor 2024, të cilat kanë gjendje në ditën e fundit të muajit kalendarik për të cilin raportohet dhe të cilat i plotësojnë këto kritere:

- zotërim të miratimeve dhe dokumentacionin e plotë për qëllimet e projektit, në pajtim me rregulloret dhe rregullat e Komisionit Rregullator për Energjetikë dhe Shërbime të Ujit të Republikës së Maqedonisë së Veriut, Ligji i Energjetikës dhe ligjeve tjera dhe rregulloreve;

- afati origjinal deri në maturim të kredisë duhet të jetë së paku dy vjet.

4. Bankat dhe kursimoret janë të obliguara ta njoftojnë Bankën Popullore për gjendjet e detyrimeve të cilat e përbëjnë bazën e rezervës së detyruar, për çdo ditë të muajit kalendarik, më së voni në afat prej 15 (pesëmbëdhjetë) ditëve pas mbarimit të muajit kalendarik për të cilin raportohet.

Bankat janë të obliguara ta njoftojnë Bankën Popullore edhe për gjendjet e detyrimeve nga pika 3), paragrafi (1) të këtij vendimi në ditën e fundit të muajit kalendarik për të cilin raportohet, më së voni në afat prej 15 (pesëmbëdhjetë) ditëve pas mbarimit të muajit kalendarik për të cilin raportohet.

Detyrimet në valutë të huaj për çdo ditë kalendarike të muajit dhe kërkesat në valutë të huaj nga pika 3), paragrafi (1) shprehen në denarë, me zbatim të kursit mesatar të Bankës Popullore, i cili vlen në ditën e fundit të muajit kalendarik.

Banka e kryejnë raportimin nga paragrafet (1) dhe (2) të kësaj pike përmes sistemit elektronik të Bankës Popullore të rezervës së detyruar (në tekstim e mëtejshëm: sistemi elektronik).

Kursimoret e dorëzojnë raportimin nga paragrafi (1) i këtij vendimi me postë, në formular, në pajtim me shtojcën nr. 3, si pjesë përbërëse e këtij vendimi.

5. Baza e rezervës së detyruar e bankave dhe kursimoreve për periudhë të caktuar të mbajtjes, llogaritet si mesatare nga detyrimet për çdo ditë të muajit kalendarik që i paraprin dy muajve të fundit kalendarik në të cilin fillon periudha e mbajtjes së rezervës së detyruar. Baza e detyrimeve të valutës së huaj të bankave shprehet edhe në euro, me zbatim të kursit mesatar të Bankës Popullore i cili vlen në ditën e fundit të muajit kalendarik.

Baza e rezervës së detyruar e llogaritur nga detyrimet në valutë vendase ndaj të cilës zbatohet norma e rezervës së detyruar nga pika 6), paragrafi (1), nënparagrafi (1) i këtij vendimi zvogëlohet për shumën e kërkesës nga pika 3), paragrafi (1).

III. NORMAT E REZERVËS SË DETYRUAR

6. Normat e rezervës së detyruar e bankave dhe kursimoreve për detyrime me marrëveshje me afat deri në 2 vite, paraqesin:

- 8% e detyrimeve të valutës vendase;
- 100% e detyrimeve të valutës vendase me klauzolë valutore;
- 21% e detyrimeve të valutës së huaj.

Normat e rezervës së detyruar për bankat dhe kursimoret për detyrimet me maturim kontraktual mbi 2 vjet, paraqesin:

- 0% e detyrimeve në valutë vendase;
- 100% e detyrimeve në valutë vendase me klauzolë valutore;
- 5% e detyrimeve në valutë të huaj.

Me përjashtim të paragrafit (1) të kësaj pike, norma e rezervës së detyruar shënon 0% për:

- detyrimet ndaj personave fizik me valutë vendase me maturim kontraktual mbi një vit deri në dy vite;
- detyrimet në bazë të transaksioneve repo në valutë vendase.

Për depozitat e personave fizikë që u përkasin detyrimeve të paragrafit (2) dhe paragrafit (3) të kësaj pike zbatohen normat e rezervës së detyruar për valutën përkatëse, nëse në kontratë është parashikuar një nga kushtet e mëposhtme:

- nuk ka mundësi për tërheqje të parakohshme të depozitës nga ana e personit fizik para skadimit të afatit kontraktor; ose
- ekziston mundësia e parashikueshme e tërheqjes së parakohshme të depozitës përpara skadimit të afatit kontraktual të afatizimit duke e shkëputur kontratën në tërësi dhe llogaritja e interesit duke zbatuar normë interesi jo më të lartë se 1/4 e normës së interesit të vlefshëm të depozitës, për periudhën nga data e afatizimit/riplanifikimit deri në datën e tërheqjes së depozitës.

Nëse depozitat nga paragrafi (4) i kësaj pike nuk i plotësojnë kushtet kontraktuale, zbatohen normat e rezervës së detyruar nga paragrafi (1) i kësaj pike për valutën përkatëse.

Në rast të tërheqjes së depozitës dhe zgjidhjes së kontratës, në kundërshtim me kushtet kontraktuale të përcaktuara në paragrafin (4) të kësaj pike, banka, gjegjësisht kursimorja, është e detyruar që Bankës Popullore t'i dërgojë njoftim për korrigjimin e të dhënave në bazë të rezervës së detyruar. Në bazë të njoftimit nga banka, gjegjësisht kursimorja, Banka Popullore vepron në pajtueshmëri me pikën 16) të këtij vendimi.

IV. LLOGARITJA E REZERVËS SË DETYRUAR

7. Rezerva e detyruar e bankave në denarë llogaritet si përmbledhje nga:

- shuma e fituar me zbatim të normave nga pika 6) e këtij vendimi në bazën e detyrimeve në valutë vendase; dhe
- 15% nga shuma e fituar me zbatim të normave nga pika 6) e këtij vendimi në bazën e detyrimeve në valutë të huaj.

8. Rezerva e detyruar e bankave në valutë të huaj llogaritet si mbledhje e:

- 85% nga shuma e përftuar duke zbatuar normat nga pika 6) nga ky vendim mbi bazën e detyrimeve në valutë; dhe
- shumën e përftuar duke zbatuar normën nga pika 6) e këtij vendimi mbi bazën e detyrimeve në valutën vendase me klauzolë valutore.

9. Banka e konfirmon rezervën e detyruar të llogaritur përmes sistemit elektronik në afat prej 18 (tetëmbëdhjetë) ditëve kalendarike pas mbarimit të muajit kalendarik për të cilin raportohet dhe i cili e përbën bazën e llogaritjes së periudhës së mbajtjes së rezervës të detyruar. Nëse banka nuk e vërteton llogaritjen në afatin e paraparë, rezerva e detyruar e përcaktuar për atë periudhë të mbajtjes është përfundimtare.

10. Rezerva e detyruar e kursimoreve në denarë llogaritet me zbatimin e normave nga pika 6) e këtij vendimi të bazës së rezervës së detyruar nga detyrimet në valutë vendase dhe detyrimet në valutë vendase me klauzolë valutore. Kursimorja e konfirmon rezervën e detyruar të llogaritur përmes postës në afat prej 18 (tetëmbëdhjetë) ditëve kalendarike pas mbarimit të muajit kalendarik për të cilin raportohet dhe i cili e përbën bazën e llogaritjes së periudhës së mbajtjes së rezervës të detyruar.

V. MBAJTJA E REZERVËS SË DETYRUAR

11. Banka e plotëson rezervën e detyruar në denarë nëse gjendja mesatare ditore nga fondet e llogarisë së bankës të Banka Popullore për periudhën e mbajtjes është së paku e barabartë me rezervën e detyruar të llogaritur, në pajtim me pikën 7) të këtij vendimi.

Në bazë ditore, banka mund tërësisht ta përdor mjetet e rezervës së detyruar në denarë.

12. Banka e plotëson rezervën e detyruar në euro nëse:

- gjendja ditore e mjeteve të ndara të bankës në llogarinë valutore të Bankës Popullore jasht vendit është së paku e barabartë në 85% nga rezerva e detyruar e llogaritur në euro, në pajtim me pikën 8) të këtij vendimi, dhe

- gjendja mesatare ditore e mjeteve të ndara të bankës në llogarinë valutore në euro në MIPS për periudhën e mbajtjes është së paku e barabartë në 15% nga rezerva e detyruar e llogaritur në euro, në pajtim me pikën 8) të këtij vendimi.

Në baza ditore, banka mund të përdorë plotësisht pjesën e rezervës së detyruar që plotësohet përmes llogarisë valutore në euro në MIPS.

13. Kursimorja e plotëson rezervën e detyruar në denarë nëse gjendja ditore e mjeteve të ndara të kursimores në llogari të posaçme të rezervës së detyruar në Bankën Popullore është së paku e barabartë me rezervën e detyruar të llogaritur, në pajtim me pikën 10) të këtij vendimi.

14. Banka Popullore i përcakton periudhat e mbajtjes së rezervës së detyruar në denarë dhe në euro, për bankat dhe kursimoret, në kalendar indikues të periudhave të mbajtjes së rezervës së detyruar.

Kalendari publikohet para fillimit të vitit kalendarik në internet faqen e Bankës Popullore.

Banka Popullore mund të bëjë ndryshime në kalendarin indikues. Kalendari i ndryshuar indikues i periudhave të mbajtjes së rezervës së detyruar publikohet në internet faqen e Bankës Popullore para fillimit të periudhës së mbajtjes për të cilin është ndryshimi.

15. Banka Popullore nuk ka remunerim të rezervës së detyruar në denarë.

Rezervës së detyruar në euro i përcaktohet remunerim me normën më të ulët nga 0% dhe norma e interesit e depozitit të disponueshëm brenda natës të Bankës Qëndrore Europiane, e cila ka vlejtur në ditën e fundit të mbajtjes. Nëse gjendja ditore mesatare e mjeteve të ndara të bankës në pajtim me pikën 12) të këtij vendimi është më e lartë se rezerva e detyruar e vërtetuar në euro për tërë periudhën e mbajtjes, tepërisë së mjeteve të ndara iu përcaktohet remunerim me normë të njëjtë me normën më të ulët nga 0% dhe normë të interesit të depozitit të disponueshëm brenda natës të Bankës Qëndrore Europiane, e cila ka vlejtur në ditën e fundit të periudhës së mbajtjes, e ulur për 0,15 pikë përqindje.

Nëse normat e përcaktuara nga paragrafi (2) të kësaj pike janë negative, bankat detyrohen t'i paguajnë remunerim Bankës Popullore.

Remunerimi llogaritet me zbatimin e formulës më poshtë:

$$N = \frac{ZR (VZR) \cdot n \cdot d}{100 \cdot 360}$$

ku:

N - remunerimi i rezervës së detyruar në euro për periudhën e mbajtjes;

ZR - shuma e rezervës së detyruar e plotësuar në euro;

VZR - tepërica mesatare ditore e rezervës së detyruar në euro;

n - norma e kompensimit në nivel vjetor;

d - numri i ditëve të periudhës së mbajtjes.

Remunerimi llogaritet në denarë, sipas kursit mesatar të Bankës Popullore në ditën e fundit të periudhës së mbajtjes. Remunerimi paguhet në denarë në afat prej tetë ditëve pas kalimit të periudhës së mbajtjes.

16. Nëse Banka Popullore përcakton se rezerva e detyruar e bankës ose kursimores për një periudhë të caktuar të mbajtjes është më e ulët, për shkak të të dhënave të gabuara të dorëzuara të bazës së rezervës së detyruar dhe/ose të kërkesave nga pika 3), paragrafi (1), banka ose kursimorja është e obliguar:

- të ndajë mjete shtesë në kundërvlerë të denarit të përcaktuar mbi bazën e diferencës në rezervën e detyruar të konfirmuar dhe rezervën e detyruar të llogaritur me të dhëna të korrigjuara për bazën dhe/ose kërkesën, në llogari të posaçme të Bankës Popullore në kohëzgjatje të përshtatshme të periudhës/ave të mbajtjes në të cilat është vërtetuar dallimi. Me kërkesë të bankës, kohëzgjatja e mbajtjes së mjeteve shtesë në llogari të posaçme shkurtohet, me çka shumat e mjeteve rritet përkatësisht, dhe

- të paguajë tarifë të llogaritur në shumën totale të mjeteve shtesë për periudhat e mosplotësimit, në shumë të normës së interesit përkatës të bonove të thesarit në periudhën/at në të cilat është përcaktuar dallimi. Tarifa paguhet njëherë në ditën e parë të ndarjes së mjeteve shtesë.

VI. DISPOZITAT PENALE

17. Banka Popullore llogarit dhe tarifon interes penal ligjor për mospagimin e rezervës së detyruar nga ana e bankave dhe kursimoreve:

- të bilancit të papaguar mesatar ditor për gjithë periudhën e mbajtjes së rezervës së detyruar, në pajtim me pikën 11), dhe pikën 12), paragrafin (1), nënparagrafin (2) të këtij vendimi;

- të bilancit të papaguar në fund të ditës, në pajtim me pikën 12), paragrafin (1), nënparagrafin (1) dhe pikën 13) të këtij vendimi.

Bankat dhe kursimoret janë të obliguar të paguajnë normë penale ligjore në afat prej tetë ditëve nga dita e fillimit të detyrimit.

Banka Popullore mund të merr edhe masa tjera të parashikuara me ligj, në rast të mos respektimit të dispozitave të këtij vendimi.

Dispozita nga paragrafi (1) i kësaj pike nuk zbatohet në rastet e pikës 16) të këtij vendimi.

VII. REZERVA E DETYRUAR GJATË NDRYSHIMEVE TË STATUSIT DHE TËRHEQJA E LEJËS SË BANKËS/KURSIMORES

18. Banka Popullore mund të përjashtojë bankën/kursimoren nga mbajtja e rezervës së detyruar prej ditës së parë të periudhës së mbajtjes, nëse bankës/kursimores i është tërhequr leja e themelimit dhe funksionimit gjatë asaj periudhe.

19. Në rast të shkrirjes ose bashkimit të bankave gjatë periudhës së mbajtjes, rezerva e detyruar transferohet në bankën e re, ose në bankën në të cilën shkrihet. Mbajtja e rezervës së detyruar paraqet shumën e mbajtjes së rezervës së detyruar të bankave të cilat bashkohen ose shkrihen.

20. Në rast të ndarjes së bankave gjatë periudhës së mbajtjes, rezerva e detyruar u transferohet bankave të reja. Çdo bankë merr pjesë nga rezerva e detyruar që paraqet proporcion të përshtatshëm nga baza totale e rezervës së detyruar të bankës që është ndarë. I njejti proporcion zbatohet edhe gjatë mbajtjes së rezervës së detyruar.

21. Në rast të bashkimit të kursimoreve për formim të bankës, shkrirja e kursimoreve në bankë ose shëndrimin e kursimores në bankë gjatë periudhës së mbajtjes, rezerva e detyruar e kursimores për periudhën aktuale të mbajtjes transferohet në një sasi

të barabartë në bankën e re, pra në bankën në të cilën shkrihet. Rezerva e detyruar deri në fund të periudhës aktuale plotësohet në nivel mesatar.

VIII. DISPOZITA KALIMTARE DHE PËRFUNDIMTARE

22. Baza e rezervës së detyruar nga obligimet e bankave në valutë vendase të pikës 2) paragrafit (1) të këtij vendimi zvogëlohet për shumën e kërkesës së pikës 3) paragrafit (1) të këtij vendimi, deri më 30 nëntor 2030.

23. Me përjashtim nga pika 6), paragrafi (1), nënparagrafi (1), duke filluar nga periudha e rezervës së detyruar që fillon më 12 qershor 2024, dhe që përfundon më 23 korrik 2024, norma e rezervës së detyruar për detyrimet në valutë vendase me afat maturimi deri në 2 vjet është 6,5%.

24. Me përjashtim të pikës 11), paragrafi (1) të këtij vendimi, në periudhën e mbajtjes së rezervës së detyruar që fillon më 12 qershor 2024 dhe përfundon më 23 korrik 2024, banka e përmbush rezervën e detyruar në denarë nëse gjendja mesatare ditore e mjeteve në llogarinë e bankës në Bankën Popullore dhe mjetet e bankës në llogarinë e fondit të garancisë rezervë të Kliringut Sistemet Ndërbankare ShA Shkup për periudhën e mbajtjes janë së paku të barabarta me rezervën e detyruar të llogaritur, në pajtim me pikën 7) të këtij vendimi.

25. Në ditën e fillimit të zbatimit të këtij vendimi, ndalon se vlejti Vendimi për rezervën e detyruar ("Gazeta Zyrtare e Republikës së Maqedonisë" 16/23, 171/23 dhe 197/23).

26. Ky vendim hyn në fuqi në ditën e tetë nga dita e publikimit në Gazetën Zyrtare të Republikës së Maqedonisë së Veriut dhe do të fillojë të zbatohet nga 12 qershori 2023, me mbajtjen e rezervës së detyruar, të llogaritur nga detyrimet e prillit 2024.

**Nr. 02-7700/6
28 shkurt, 2024
Shkup**

**Guvernatorja
dhe kryesuesja
e Këshillit të Bankës Popullore
të Republikës së Maqedonisë së Veriut
д-р Анита Ангеловска-Бежоска**

SHTOJCA nr. 1

Lista e detyrimeve në valutë vendase dhe në valutë vendase me klauzolë valutore:

Detyrime ndaj furnizuesëve dhe detyrime tjera

2249 Avanse të marra në denarë - avanse të mara për qëllime tjera

Llogari aktuale në denarë

800 Shoqëri jofinanciare
801 Shteti
802 Institucione joprofitabile të cilat ju shërbejnë amvisërive
8053 Shoqëri financiare - shoqëri të sigurimeve
8054 Shoqëri financiare - fonde pensionale
8055 Shoqëri financiare - shoqëri tjera financiare
807 Amvisëri
808 Jorezident
809 Llogari të kufizuara rrjedhëse

Depozita pa afat në denarë

810 Shoqëri jofinanciare
811 Shteti
812 Institucione joprofitabile të cilat ju shërbejnë amvisërive
8153 Shoqëri financiare - shoqëri të sigurimeve
8154 Shoqëri financiare - fonde pensionale
8155 Shoqëri financiare - shoqëri tjera financiare
817 Amvisëri
818 Jorezident
819 Depozita të kufizuara pa afat

Depozita të afatizuara në denarë

820 Shoqëri jofinanciare*
821 Shteti*
822 Institucione joprofitabile të cilat ju shërbejnë amvisërive*
8253 Shoqëri financiare - shoqëri të sigurimeve*
8254 Shoqëri financiare - fonde pensionale*
8255 Shoqëri financiare - shoqëri tjera financiare*
827 Amvisëri*
828 Jorezident*

Detyrime në bazë të letrave me vlerë të emetuara në denarë dhe në denarë me klauzolë valutore

830 Letra të letrës së borxhit të emetuara në denarë
831 Letra të letrës së borxhit të emetuara në denarë me klauzolë valutore

Detyrime në bazë të kredive në denarë

840 Shoqëri jofinanciare*
841 Shteti*
842 Institucione joprofitabile të cilat ju shërbejnë amvisërive*
8453 Shoqëri financiare - shoqëri të sigurimeve*
8454 Shoqëri financiare - fonde pensionale*
8455 Shoqëri financiare - shoqëri tjera financiare*
848 Jorezident*

Depozita të afatizuara dhe depozita pa afat në denarë me klauzolë valutore

860	Shoqëri jofinanciare*
861	Shteti*
862	Institucione joprofitabile të cilat ju shërbejnë amvisërive*
8653	Shoqëri financiare - shoqëri të sigurimeve*
8654	Shoqëri financiare - fonde pensionale*
8655	Shoqëri financiare - shoqëri tjera financiare*
867	Amvisëri*
868	Jorezident*

Detyrime në bazë të kredive në denarë klauzolë valutore

870	Shoqëri jofinanciare*
871	Shteti*
872	Institucione joprofitabile të cilat ju shërbejnë amvisërive*
8753	Shoqëri financiare - shoqëri të sigurimeve*
8754	Shoqëri financiare - fonde pensionale*
8755	Shoqëri financiare - shoqëri tjera financiare*
878	Jorezident*

Lizing financiar në denarë dhe në denarë me klauzolë valutore

880	Shoqëri jofinanciare
8853	Shoqëri financiare - shoqëri të sigurimeve
8854	Shoqëri financiare - fonde pensionale
8855	Shoqëri financiare - shoqëri tjera financiare
888	Jorezident
8890	Lizing financiar në denarë me klauzolë valutore - shoqëri jofinanciare
88953	Lizing financiar në denarë me klauzolë valutore -- shoqëri financiare - shoqëri të sigurimeve
88954	Lizing financiar në denarë me klauzolë valutore - shoqëri financiare - fonde pensionale
88955	Lizing financiar në denarë me klauzolë valutore -- shoqëri financiare - shoqëri tjera financiare
8898	Lizing financiar në denarë me klauzolë valutore - jorezident

* Me përjashtim të llogarive të amortizimit të akumuluar

SHTOJCA nr. 2

Lista e detyrimeve në valutë të huaj:

Detyrime ndaj furnizuesëve dhe detyrime tjera

- 2250 Avanse të marra në valutë të huaj - avanse të marra në valutë të huaj nga bankat e huaja
2259 Avanse të marra në valutë të huaj - avanse tjera të marra në valutë të huaj

Të dalurat e llogaritura, të ardhurat e shtyra dhe llogari të përkohshme

- 295 Xhirollogari tjera

Llogari rrjedhëse në valutë të huaj

- 700 Shoqëri jofinanciare
701 Shteti
702 Institucione joprofitabile të cilat ju shërbejnë amvisërive
70511 Shoqëri financiare - banka - akreditiva të mbuluara loro dhe garancione në valutë të huaj
70512 Shoqëri financiare - banka - mbulesa në bazë të çeqeve dhe letrave të kredisë në valutë të huaj
7053 Shoqëri financiare - shoqëri të sigurimeve
7054 Shoqëri financiare - fonde pensionale
7055 Shoqëri financiare - shoqëri tjera financiare
707 Amvisëri
708 Jorezident
709 Llogari të kufizuara rrjedhëse në valutë të huaj

Llogari speciale në valutë të huaj

- 712 Llogari speciale të subjekteve juridike në valutë të huaj
719 Llogari speciale të personave juridik në valutë të huaj

Depozita në valutë të huaj

- 720 Shoqëri jofinanciare*
721 Shteti*
722 Institucione joprofitabile të cilat ju shërbejnë amvisërive*
7253 Shoqëri financiare - shoqëri të sigurimeve*
7254 Shoqëri financiare - fonde pensionale*
7255 Shoqëri financiare - shoqëri tjera financiare*
727 Amvisëri*
728 Jorezident*

73 Detyrime në bazë të letrave me vlerë të emetuara në valutë të huaj

Detyrime në bazë të kredive në valutë të huaj

- 7401 Rezidentë - shteti*
74051 Rezidentë - Shoqëri financiare - shoqëri tjera financiare*
7409 Rezidentë - sektorë tjerë*
748 Jorezident*

Lizing financiar në valutë të huaj

- 780 Shoqëri jofinanciare
7853 Shoqëri financiare - shoqëri të sigurimeve
7854 Shoqëri financiare - fonde pensionale
7855 Shoqëri financiare - shoqëri tjera financiare
788 Jorezident

* Me përjashtim të llogarive të amortizimit të akumuluar

SHTOJCA nr. 3

Emri i këmbimores

Selia

REPORT

për llogaritjen e rezervës së detyrueshme të kursimoreve në denarë për vitin _____

[illegible]

Vendi dhe data

Vula dhe nënshkrimi i personit të autorizuar

*Gjatë plotësimit të formularit shënohen vetëm gjendjet e llogarive nga shtojca 1 në të cilat kursimoret kanë evidentuar gjendjet e kontabilitetit.